

Nr 271

Stáhtarádi ášahus**ealliguovdasaš lassidoarjagis, mii máksojuvvo boazodoallojagi 2007/2008 ovddas**

Addojuvvon Helssegis njukčamánu 15 beaivve 2007

Stáhtarádi mearrádusa mielde, mii lea dahkkon eanan- ja meahccedoalloministeriija ovdanbuktojumis, mearriduvvo eanan- ja šaddogárdedoalu álbmotlaš doarjagiin juovlamánu 28 beaivve 2001 addojun lága (1559/2001) 14 §` 3 momeantta vuodul:

1 §

Heivehansuorgi

Eanan- ja šaddogárdedoalu álbmotlaš doarjagiin addojun lága (1559/2001) 14 §: s dárkkuhuvvon doarjjan sáhtta fásta Suomas orru boazoeaiggádiidda máksojuvvot stáhta bušeahhtaárvalusas jahkái 2007 eanan- ja šaddogárdedoalu álbmotlaš doarjagii čujuhuvvon váriin boazodoallojagis 2007/2008 ealliguovdasaš doarjja dadi lági mielde go dán ášahusas mearriduvvo.

2 §

Doarjjaoažžu

Doarjja máksojuvvo jagi 2007:s máksojupmái boahtti davvidoarjagis addojuvvon stáhtarádi ášahusas (32/2007) dárkkuhuvvon guovlluin C 3 ja C 4 boazodoalus bargi borramušveagaide.

Boarramušvehkii gullevažžan gehččojuvvojit náittosguimmežat sihke dakkár náittoslágán diliin oktasaš dállodealus náitalkeahtta bistevaččat orru olbmot, geat leaba ovdal leamaš gaskaneaska náittoslihtus dehe geain lea dehe lea leamaš oktasaš mánná. Borramušvehkii gullet maid ovdal máinnašuvvon náittosguimmežiid seamma dállodealus orru oktasaš mánát ja biebmománát, geat eai leat deavdán 18 jagi ovdal

dan kaleanddarjagi álggu, goas doarjja ohcojuvvo. Boarramušveahkan gehččojuvvo maid juogekeahtes jápminbeassi.

Doarjaga oažžuma eaktun lea, ahte borramušvehkii gullevaš olbmot dehe dat olbmot, geaid eaiggáduššan bohccuid ovddas doarjja ohcojuvvo, eai leat deavdán 65 jagi ovdal dan kaleanddarjagi álgima, goas doarjja ohcojuvvo. Doarjaga oažžuma eaktun lea maid, ahte doarjjaoažžu doallá muitumerkumiid iežas boazodoalu boaduin ja goluin.

3 §

Doarjjadohkálaš eallobohccot

Doarjaga oažžuma eaktun lea, ahte boarramušvehkii gullevaš olbmot oamastit boazologahallamiid (848/1990) mielde boazodoallojagi nogadettiin oktiibuot unnimusat 80 bohcco.

Doarjagii vuoigadahtton elliid oamastanrievtti ja meari vuodđun lea boazodoallojagi 2006/2007 áigemearis ráhkaduvvon boazologahallan. Boazodoallojagi 2006/2007 áigge dahkkojuvvon boazogávppit sáhttet váldojuvvot vuhtii doarjaga miediheamis.

Doarjja ii máksojuvvo dain eallobohccuin, mat mannet badjel bálgesiidda dehe daid osolaččaide mearriduvvon lobálaš eallobohccuid meriin. Jos bálgesa eallobohccuid mearri manná badjel bálgesii mearriduvvon stuorimus lobálaš eallobohccuid meari, geahpi-

Nr 271

duvvo borramušveagaid doarjjadohkálaš eallobohccuid mearri liigebohccuid ovddas seamma gori mielde go borramušveagat oamastit eallobohccuid bálgesis. Eallobohccuid meari báhcín 1 momeanttas mearriduvvon meari unnibun ii eastte doarjaga miediheami borramušvehkii báhcán eallobohccuid meari vuodul, jos borramušveagas leat leamaš ovdal geahpideami unnimusat 1 momeanttas mearriduvvon mearri.

Doarjja ii máksojuvvo maid dain eallobohccuin, maid osolaš livččii galgan njuovvat bálgesa dohkkehan jahkásaš njuovvanplánaid mielde (njuovvanreasta-boazu). Jos borramušveaga njuovvanreasta-bohccuid mearri lea badjel golbma proseantta eallo-

bohccuid mearis, ii doarjja máksojuvvo borramušvehkii ollenge.

4 §

Doarjjamearri

Doarjaga sturrodát lea eanemusat 24,50 euro eallobohcco guovdu.

5 §

Fápmuiboahhtin

Dát ásahus boahhtá fápmui njukčamánu 21 beaivve 2007.

Helssegis njukčamánu 15 beaivve 2007

Eanan- ja meahcedoalloministtar *Juha Korkeaoja*

Ráddehusčállli *Jukka Mirvo*